

Inatsisartuni ilaasortaq
Suka K. Frederiksen, Siumut
/MAANI

Nukissiuuteqarnermut akit pillugit § 37 naapertorlugu apeqqummut akissut

14-09-2015
Sags nr. 2015 - 8577
Akt. nr. 1098176

Asasara Suka K. Frederiksen

Postboks 1614
3900 Nuuk

Nukissiuuteqarnermut akit pillugit apeqquinnut, matuma kinguliani
akissuteqarfingeqartunut qujanaq.

Tlf. (+299) 34 50 00

Fax (+299) 34 54 10

E-mail: paian@nanoq.gl

www.naalakkersuisut.gl

1. Sarfamut imermullu assigiimmik akeqartitsinerup atuutilernissaanik naalakkersuisut pilersaaruteqarpat?

Naalakkersuisut pilersaarutaat:

Innaallagissamut imermullu akinik, naalakkersuisoqatigiinnermut isumaqatigiissut
naapertorlugu nammaqatigiinnermik naapertuilluarnemillu tunngaveqarnerusunik
atuutsitsilernissamik Naalakkersuisut pilersaaruteqarpat.

Periaaseq maanna atorneqartoq:

Akeqartitseriaatsimi maanna atorneqartumi pisortat kissamik pilersuinerannut nuna
tamakkerlugu akinik assigiinnik atuutsitsisoqareerpoq, kiisalu innaallagissamut
imermullu akit allanngorarlutik. 2015-imi kissamut akiusoq MWh-mut 850 koruuniuvoq.

Innaallagissamut imermullu akit aningaasanut inatsimmi akit annerpaaffilerlugit
minnerpaaffilerlugillu aalajangersarneqarpat. Sumiiffiit innaallagissamik imermilluunniit
akit minnerpaaffissaannit akikinnerusumik tunisassiorlutik, sumiiffinni
akit annerpaaffissaannik atuiffiusuni, akit annerpaaffissaat sinnerlugit akilinnik
tunisassiorfiusuni akit appasitsinniarlugit tapiussutigisarpaat. Taamaalluni suleriaatsimi
agguaaqqittarneq atorneqareerpoq, tamannalu nammaqatigiinnertut
isigineqarsinnaavoq.

Akit maanna atuuttut:

Nukissiorfiit innaallagissamut akit pillugit imatut ilisimatitsissuteqarpat:

- Nuummi, Sisimiuni Upernavimmilu atuisut innaallagissamut akit
minnerpaaffissaannik akiliisarpat (kWh-mut 1,56 koruunit).

- Ilulissani, Qaqortumi Narsamilu aningaasartuutiviusut tunngavigalugit akinut akiliisoqartarpoq (kWh-mut 2,29 aamma 2,72 koruunit akornanni).
- Nunap sinnerani atuisut innaallagissamut akit annerpaaffissaannik akiliisarput (kWh-mut 3,17 koruunit).

Nukissiorfiit imermut akit pillugit imatut ilisimatitsissuteqarput:

- Ilulissani atuisut akit minnerpaaffissaannik m³-mut 20,24 koruuninik akiliisarput,
- Sisimiuni atuisut m³-mut 22,16 koruuninik akiliisarput,
- Nuummi atuisut m³-mut 26,59 koruuninik akiliisarput,
- Aasianni atuisut m³-mut 32,91 koruuninik akiliisarput
- Nunap sinnerani atuisut imermut m³-mut 33,06 koruuninik, tassalu akit annerpaaffissaannik akiliisarput.

2. Pilersaaruteqartoqarsimappat, qanoq periuseqartoqassava?

Maannarpiaq allaffissornikkut misissueqqissaarnermik, nukissiuutinut akit iluarsinissaannut aqutissiuissusamik ingerlatsisoqarpoq. Nukissiuutinut akinut siunnersuummik nutaamik 2016-imi saqqummiussisoqarnissaa naatsorsuutigineqarpoq.

a) Piffissalersuineq qanoq pilersaarutigineqarpa?

Nukissiuutinut akinut siunnersuummik nutaamik 2016-imi saqqummiussisoqarnissaa naatsorsuutigineqarpoq.

b) Pilersaaruteqartoqanngippat, sumiiffinni atukkat nikingasut qanoq iliuseqarfiginiarneqarpat?

Inussiarnersumik matuma siuliani akissut takoqquneqarpoq.

3. Inoqarfinni illoqarfinni ikiliartorfiusuni assigiinnerusumik atugaqarnissamik siunertaqarluni pilersaarusiortoqarpa?

a) Aap, qanoq periuseqartoqarniarpa?

Innaallagissamut imermullu akit nunatsinni sumiiffinni assigiinngitsuni inuuniarnikkut atugassarititaasunik assigiinngisitsinerat Naalackersuisut ilisimaarilluarpaat. Tamatuma peqatigisaanik Inatsisartut aningaasanut inatsimmik akuersinerminni nukissiuutinut tapiissutinik atorunnaarsitsiartuaarniarlutik, taamaalillunilu Nunap Karsianiit nukissiornermut akinut tapiissutit 2019-imi atorunnaarsinneqavissasut aalajangerput (takuuk aningaasanut inatsimmi konto 73.94.02). Taakkunani marluusuni nukissiuutinut akit iluarsineqarnissaat pineqarpoq, taamaattumillu suliassaq taanna Naalackersuisut tulleriarnermut allattugaanni qaffasissumi inissisimavoq.

b) Naagga, sooq iliuuseqartoqarniingila?

Inussiarnersumik inuulluaqqusillunga

Mala Høy Kúko